

Katka si či glasoski kartcia kai khangeriako halomos 17 september

Kurke o 17 september si khangeriako halomos ande Švedisko khangeri. Atunči si tu posibilita te thos čo glaso pe kudola grupuri vaj manuš kai trubun te keren decizioni pa khangeriako trajo thaj aktivitetca pe štar berš mai angle. Kas kames tu te des či konfianca?

----- (Folderns insida) ----- (Ram andral)

Ker jekh influencia te šai avel mai mištipe mai angle – to čo glaso ande khangeriako halomos!

So kames tu te kerel e Švedoski khangeri? O 17 september si khangeriako halomos. Antunči tu thaj sa le kaver membruri ande Švedisko khangeri si kai šai porončin so avela mai angle ande Švedisko khangeri. Sa le membruri kai peržile 16 berš si le posibilita te thon pesko glaso ande khangeriako halomos.

Kas des tu čiri konfiancia te šai kerel importanto decizioni ande le štar berš kai site aven? Sar trubul te avel uzime ča khangeriaki počin? Save aktiviteturi trubun te aven kotse kai bešes tu? Save decizioni trubul te kerel e khangeri? Ande khangeriako halomos si tut e bax te keres influencia!

E Švedisko khangeri si ande but thana. Vi sar khangeri pe antrego them thaj pe but thana ande kaver thema, numa vi po webb, ande socialnio media, ande špiti thaj pe but kaver riga. E missiona zjal avri pe kudo te zjutin le manušen, kotse kai si le manuš.

Ando khangeriako halomos thos čo glaso pe grupuri kai si ande nominatcia. Sa kadia miazol sar kana thos čo glaso pe politiko partidi ando parlamento. Si tut posibilita te thos čo glaso pe trin riga; lokalio ande či khangeri, regionalio ande rig kai tu dependis, thaj ando nationalio nivo.

*Xasaili čiri glasoski kartsia vaj kames te žjanes mai but pa khangeriko halomos?
žjin mai but ando [svenskakyrkan.se/kyrkoval](http://www.svenskakyrkan.se/kyrkoval)*

Le bare žjeli le trajoske

Univar kerdjon bare žjeli ando trajo. Kana si tut jekh nevo arakhado bebetu ande angali, kana san namorime, vaj kana aven le problemuri thaj o nekazo, kana perel o bajo vaj kana merel varikon. E khangeri si jekh kidipe vi ande voja thaj vi ando nekazo, kaste te šai haliaras ketanipe le manušentca thaj le devlesa.

La khangeriake traditzioni thaj ritualuri – šlošbi, krečuno- thaj patražji, mulengo žjes, ambolipe, konfirmatcia, ansurimos thaj gropomos – del amen than te najisis thaj ando radujimos, pačamos thaj sumnievu.

Jekh žuvindi kulturaki rencia

Ando Švedo si pašti 3 400 khangeria kai si tela e Švedisko khangeri. Svako khangeri del atveto pa pušimata pa pačamos, šlosba, muzika thaj arkitektura, le gaveski historia thaj le manuš kai trajisarde thaj inke trajin kotse. Kado si stražno, ketanipe thaj žuvindi kulturaki rencia kai žjal mai but te jekh mijas berš palpale

Than le glatenge thaj ternenge

Le glaten si len jekh centralnio than ande Švedisko khangeri thaj le glatengo mištimos si ando centro. Le khangerian kruglom ando them si len but te den. De katar puterdi angluni škola ži kai milaske aktiviteturi, koraluri, bebetonge žjilia, scouturi, šejange- thaj šavenge grupi, niamongi kafanava thaj mai but.

Kana si čino ando trajo

La khangeriaki buči si te ašunel, te del zor thaj te kerel, te del le manušen than te šai vazden peske experianca katar o bajo thaj čino thaj te sikaven le žjeli kai žjan bi malades . Jekh importanto kotor anda le Švedisko khangeriako socialnio buči sociala si te putren o drom pe but formi svatoske. Vaj te site tu jekh akut bajo, kam žjelis vaj si tut kaver gor te des duma varikasa. Le Diakonuri thaj le raša naj lenge slobodo te purin avri so phenes lenge.

Pača thaj sigurita

E švedisko khangeri si jekh anda le Švedoske mai bare žjutimaske aktoruri. Ande jekh lumia kai butenge si mai mišto si kaver kai inke trubun te xan čino te šai trajin thaj te marenpe anda peske čačimata. Anda kudo svesno si ke kai le švedoski khangeri si kudia missiona te kerel buči vi international. E Švedisko khangeri si vi ande thema. Ande pašti cirka 45 thana kruglom ande lumia si kavre themeske khangeria kaſte te šai avel jekh siguro than kai šai ačaras ketanipe, keras šlošba thaj te šai las žutipe.

Trubus amen!

Si but droma kudo leske kai kamel te avel ande žjela. De jekh podarka vaj ker buči sar jekh volontario ande či khangeri. Trubun ame but volontaruri ande khangeria, tu šai des anda či vriama pe buča kai si ande differento socialnio aktiviteturi. Jekh žjela šai avel ke šai žutis manušen kai avile ando Švedo akana, te čiraves kafa vaj te žutis ande kuxnia, vaj te phiraves le purožen vaj te aves gaido ande jekh khangeri po milaj kyrka. Anda kudo kai las sama jekh avrestar šai avas kudia khangeri kai kamel amen o del te avas.

Faktovi kotora ande ram:

- Pašti 40 000 glati thaj phure boldepe ando 2016.
- 3 000 anda le švedisko khangeria si len jekh specialnio protectsiona pala Kulturmiljölagen/kulturako naturako zakono.
- Rašaj kai šai akhares kana godi. Šai mares 112 katar 21–06 sa le žjesa.
- Svako žjes hulavel e Švedisko khangeri avri xabe kai le manuš kai naj len khera thaj pe čorore.
- E Švedoski khangeri ande thema si thaj kerel buči ande pašti 100 thana kruglom ande lumia. Mai but sar 5 000 koraluri ande švedisko khangeri todas ando servimos žji ande 100 000 manušen.
- E Švedisko khangeri malažol pašti 30 000 15-berženge svako berš kana si e konfirmacia.
- E Švedisko khangeri si andre ando ACT-allianca kai si katar 143 pačamaske žutimake organizationi pe antrego lumia.

Informacia pa glasoski kartcia si tolmačime pe but fialuri šiba. Tu arakes len ando:
www.svenskakyrkan.se/kyrkoval/languages

----- (Röstkortet) ----- (Glasoski kartcia)

Glasoski kartcia – Khangeriako halomos 17 september 2017

Kadia thos čo glaso ande khangeriako halomos

Membruri ande Švedisko khangeri kai si opral pa 16 berš voja lenge te thon pesko glaso ande khangeriako halomos. Pašti sa kadia sar ando normalnio puterdo halomos. Te thosa čo glaso ando glasosko halomasko lokalo (dikh o adresso opral) musai tuke te les tusa či glasoski kartcia vaj legitimatcia.

Te halos mai anglal katar o 4-17 september

– Pe thana pe antrego them

Tu šai halos mai anglal, pe gora pe antrego them, tela e vriama 4-17 september. Po www.svenskakyrkan.se/kyrkoval si jekh mapa pe sa le halomaske lokaluri thaj kana si puterdo. Te si ke naj tut či glasoski kartcia kontakti o pervo ča khangeria, numa žjalpe vi te den tut jekh nevi glasoski kartcia pe kaver gora. Numa trubul te sikaves legitimatcia.

– Lilesko halomos

Jekh kaver drom te halos mai anglal si ande lilesko halomos. Pe kado trubul tut jekh lilesko halomasko paketo kai šai les katar če rašajesko- vaj khangeriaki expeditcia. Trade če lilesko glaso te šai aresel angle kai khangeri o mai pozno paraštui 15 september. Trubul vi te trades čiri glasoski kartcia.

– Te halos kavresa (manuš ande čo than)

halomos kavresa žjal sa kadia sar le lilesko halomos. Kado šai avel jekh alternativo tuke kai či biris te aves jekh žjeno ka lokalo. Trubul tut jekh lilesko halomasko paketo te šai halos kavresa (dikh opral). Le glasoski kartcia trubul te avel kai kudo kai del ande le lilesko glaso ande čo halomasko lokalo vaj jekh halomasko lokalo ande čo glasosko pastorato/khangeri.

Te halos po halomasko žjes 17 september

– Ande čo halomasko lokalo

Pe či glasoski kartcia ramol pe ande savo halomasko lokalo šai halos thaj kana si puterdo (dikh opral). Trubul te les tusa či glasoski kartcia vaj legitimatcia.

– Ando halomasko lokalo

Te si ke san ande kaver rig ando žjes le halomasko šai thos čo glaso ande jekh halomasko lokalo. Trubul te les tusa či glasoski kartcia.

San ande thema?

Manuš kai si ramome ando Švedo numa san ande thema o žjes le halomasko šai keres halomos lilesa (dikh opral). Le lilesko glaso šai trades kai la khangeriako komiteto te šai aresel o mai pozno tetražjine 13 september. te trubula šai den tut jekh nevi glasoski kartcia. Kado šai bišavel e khangeri kai si ande thema avrial o Švedo.

Čo glaso kerel impakto sar avela phiradi le Švedoski khangeri

Ande la khangeriako halomos šai halos ande trin halomata;

Halomos ka khangeriako baro - čo lokalnio halomos

Tu halos ka khangeriako baro ande či khangeri/rašajengo. Katse thon tele le regli ande aktivitetcia kai si paša tute. *Parne halomaske rama.*

Halomos ka stifto – regionalnio

E Švedisko khangeri si huladi ande 13 stifturi. Le stiftosko baro si le stiftosko mai baro porončimasko organo. Le stiftoski angluni buči si te žutin le khangerian ande lenge aktiviteturi thaj administrativno pala o expertiso ande but riga. *Rozovi halomaske rama.*

Halomos ka khangeriako čidimos – nationalnio

La khangeriako čidimos si e Švedisko khangeriako mai baro porončimasko organo 251 membruri. Von porončin pa khangeriake ketane thaj bare pušimata. *Galbeno halomaske rama.*

Pe soste šai thav muro glaso?

Ande khangeriako halomos thos čo glaso pe nominaciegrupuri thaj lenge kandidaturi. Grupuri thaj kandidaturi si po www.svenskakyrkan.se/kyrkoval. Le grupuri von korkoro den informaticia pa peske halomaske programuri. Tu šai keres personel halomos pe trin kandidaturi te thosa jekh trušul pe kadala halomaske rama. Le trušula vazden le kandidatongo posibilita te aven halome thaj te representin tut. Te si ke či thosa jekh trušul antunči perel čo halomos ka nominaciegrupuri.

Te si ke xasardan či glasoski kartcia

Te si ke xasardan či glasoski kartcia šai les tuke jekh nevi (dubbletto glasoski kartcia). Kontakti anglunes ča khangeria. Tu vi šai manges katar www.svenskakyrkan.se/kyrkoval vaj e Švedisko khangeriako halomasko servicio, tel 018-16 96 00. E nevi glasoski kartcia avela tradini ka čo addresso kai san ramome.